

平谷縣誌卷之三

藝文志

文類

傳曰太上立德其次立功其次立言此之謂三不朽然言莫深於文而平谷雖蕞爾小邑凡有建立亦皆有文以紀其實今備載諸志庶觀風者得有所考焉故志文

元

明倫堂記

納憐不花撰

洵陽逸士



皇元列聖相承

詔令國都州縣設立學校張置師牧以行政教開平
萬世何其規模隆古軼越漢唐矣蓋以聖田天縱道
自人宏盛衰觀于風化忠孝本于人倫然後綱常正
義理明而民生遂亘古今而不易考之子經班班可
見已惟時守令師儒有賢有愚有志存乎立功事專
乎報本祇順德意惓惓于聖門者亦有志溺平利祿
事拘乎苟且徒拘文具切切于肥家者由其闕于君
親大義惜于聖賢至教其于志道恢宏之士霄壤不

萃古堂李氏傳鈔

俾矣况乎仕路繁夥存道心者希或有德好君子功
垂名教若亂山求玉乃千百之一二焉耳詳憫吾友
李敬李明等重諗曰平谷乃薊郡之屬邑京師之僻
徑亦當有要路居是任間報功于素王者如己巳年
監察御史鄭立建加號碑設學田增輝聖日播種文
風自丙子歲主簿范恕教諭張貴協謀合議以謂斯
邑有廟像而無講舍基址狹隘如羽不翼于是出給
俸資鳩集衆緡買地構材鼎新明倫堂泊學官居仝
朝夕有三德六行之修歲時無一風半雨之憾至戊

寅間有胡從先來諭是縣仰瞻廟像余器慙然俯親
講席書籍茂如干是命匠鎔鑄罇鼎營飭籩豆九經
史籍煥然一新上供春秋釋奠下給師生講習焉此
數君子創作于前可謂能矣迨甲申際劉元皓師職
三年建學門屏以為斯文之壯觀增廣田畝以備供
需立故金國張侯建廟記以表首創之原繼述于後
可謂勤矣自是而後肅恭寅畏神人協和師生有舍
庖廩有給百爾罷具資之左右愚故曰有志存乎立
功事專乎報本今得其人耶經曰故事半古之人功

萃古堂李氏傳鈔

必倍之惟此時為然蓋將有興于斯故仰聞是言而不感于中悲夫愚故曰亦有志溺乎利祿事狗乎苟且未暇論其人耶驗吾友之言為信嗚呼吾夫子之道如太和元氣流行于天地間陶鎔品彙綱紀群生儀範百王師表萬世其盛德大業至矣哉凡有天下國家者可不知所本乎吁微元皓不能明數君子之功微數君子不能伸元皓之志可謂克盡其行所當為矣予故欣然筆之以紀堅珉匪特叙二三子之功抑亦可為來今之勸時至正七年丁亥三月丁巳也

明

新城記

平谷縣在薊州治西北八十里本古之漁陽地今為順天府屬西連密雲古北口東接山海道經邑遼東北臨極邊諸大山永樂初置營州中屯衛以鎮之今黃松峪等四關熊兒峪等四營官軍守備者常數千人是蓋重鎮也縣故有土城歲久傾圮今右僉都御史闕本奉

命巡撫至而嘆曰城郭所以衛民况平谷密邇京師為

萃古堂李氏傳鈔

東北屏蔽兵民于是乎聚儲糧于是乎積非有高
城深池將何所恃以為重乎于是謀諸總兵官東
寧伯焦壽左叅將都指揮劉輔皆曰都憲言是也
疏請於

朝得允爰

委營州右屯衛指揮同知袁忠等督軍夫若干增
築之城高二丈五尺址廣三丈五尺頂殺址三之
二周圍六百丈為城門四門有甕城甕城又名置門城
之外為塹濶三丈五尺深半之沿塹植榆柳幾萬

株經始于成化丁亥訖工于明年二月功之成視
舊加四之三于是居室晏然雖外戶可以無閉防
禦之計遠矣僉謂是城也邑小而役鉅不可無文
以示來者而縣丞宣謙遂述增築始末來徵于記
予惟重門擊柝以待暴客易之有取于豫者素定
意也天下事未有不成立于素定而况保障為為政
之首可使之因循廢弛于宴安無事之時乎惟茲
城郭既新人心始安可以奠民居可以廣儲積可
以繕甲兵養成蓄銳復何不虞之足慮哉書曰惟

萃古堂李氏傳鈔

事事乃其有備有備無患此之謂也若都憲公可謂防患于未然者矣乃若力出于閑暇之時而費出于規畫之餘于衆無擾于事有功此善之善者也後之人能嗣而葺之其利閎且遠哉因為之記

科貢題名記

吉豐陳烜 未學訓導

取士之法其來尚矣成周有鄉舉里選漢則有賢良茂材明經唐則有進士秀才明經明法明算明立制于予午卯酉年鄉試子辰戌丑未年會試復列祖有明經歲貢焉而以此制為取士之法誠曠古之

良規也所以立名謂之科貢夫科貢之設名殊而實一者也游庠序之士以五經四書而端其本領以策論詔誥而廣其經濟科之所錄者此也貢之所升者亦此也初何嘗以名之殊而異今日之所習亦未嘗以途之異而岐他日之所施故漢之董仲舒公孫宏以賢良舉者唐之陸贄韓愈以進士舉者而董仲舒天人三策與陸宣公之奏議百篇同一機公孫宏之表章六經與韓退之之左右六經同一道豈山若樵之河若漁之名殊而實異哉

萃古堂李氏傳鈔

且題名有碑所以紀名氏謹歲月示榮觀垂永久也與是列者名固榮矣然名者實之賓實者名之主使名著而實不副則亦何足以為榮哉孟子曰誦其詩讀其書不知其人可乎是以論其世也觀人者其取以為法焉士登名于茲者必進而友天下之士又進而上春官對

大廷而展盡其底蘊以幼之所學而壯行之在廊廟則寅亮天工在臺諫則貴難陳善在岳牧則承流宣化樹功業于當時垂勳名于後世俾人之觀斯

平定縣志卷之二
名也稱其人論其世也美其功如漢唐諸君子之
照耀簡冊膾炙人口則實有可稱而名之榮也非
溢美矣又何擇于科貢哉先儒有曰所入之途雖
異所至之域則同信斯言也于是乎記

東嶽行祠記

邑人金純 山西布政使

平谷縣治西一里有東嶽行祠祠石鼎所載重修
于勝國至元三年不知創自何許時我

太祖高皇帝混一中原重天地百神之祀元前代所載
廟宇祠觀有益于民者聽民崇祀故邑有嶽祠或

萃古堂李氏傳鈔

歲時水旱癘疫咸祈禱之神亦肆其威靈屢祈屢
應每春夏之會裕傳為天齊聖誕四鄉之人爭持
牲醴享賽于庭復為迎神之舉歷世相沿率為故
事永樂初 作亂祠燬于兵存者無幾正統甲
子河東張君鐸來丞于茲首倡士民復興舊址門
堂殿廡百爾粗作迨成化甲午營州中屯衛舍人
景鐸乃謀于衆曰嶽祠為吾邑具瞻錫祐深渥張
丞雖已畚復而狹隘苟完不足以棲神衆吾徒安
居暇食惟神之庇盍謀所以新大之者乎于是選

適翁助得金若干萬緡召匠命工扛材興石雖三尺童子願輸其勞鳩僝至落成凡十閱月增中之殿為三間以居天齊殿之左翼一間以居炳靈右翼一間以居府君東之堂三間則為三義廟西之堂三間則為聖母殿虛鍾鳴鼓有樓有枹繚以垣墻蔽以三門翬飛跂翼丹碧交輝工雖十倍于前啓之者實二尹之功承之者則舍人之力也祠成景君出資具石將誌其顛末以傳未幾厭世事竟寢息垂三十年景之孫有名源者撫其故石惻然

萃古堂李氏傳鈔

以痛曰吾祖之虔奉于神久矣今祠成而厥功弗
紀數傳之後不幾于泯泯矣乎即出已金募人緣
命工礮石以畢先志徵于為記予惟五嶽在天地
間依形而立乘氣而行嶽為衆山之宗岱又諸嶽
之宗也考之祀典天子祭天下名山諸侯祭境內
山川東嶽太山之有祠宜矣而古今祠祭禮各不
同嶽者地祇也祭之以壇壝而不屋其牲幣祝號
則視三公舜之望于山川是已後世此義不傳自
拓拔始總立一廟于桑乾水之陰遷唐復各立一

三才身示
廟于五嶽之麓以及趙宋之衰而東嶽行祠徧天下矣既廟之又王之既王之又像之地祇而肖像若人焉至於今莫之或改也我

聖祖削平僭偽考古創今一洗前朝之陋而加以泰山之封其示萬世法成至明也凡所在城邑猶徃徃祠之者何歟按公羊傳云泰山之雲膚寸兩合不崇朝而徧天下其潤物之功如此則天下所以尊崇而報祀之者非過也宜也况祭法有曰能禦大灾則祀之能捍大患則祀之今有靈森布轉異為

祥寧不重可祀耶是祠成下以禳災消變為民禱
福上以祈天永命為

國祝釐此固張丞之志景舍之心也若源者又可謂聿
修厥德肯構肯堂者矣是不可以嘉尚之哉庸書
此以誌其梗槩

重修慈福寺記

御馬監太監劉公僧嘗遠事我

英宗皇帝憂勤謹慎為

上所知在中貴間特深眷注公每退食輒私念曰某本

山林樗賤遭際

聖明晨夜以興無由展報意平谷為京畿屬邑而山東
即其近郊宅幽勢阻地勝泉甘擬造寺一區以為
祝延之所犬馬之心度幾少盡籌諮既久于是出
金若干萬緡掄材輿石鳩聚工相隰度原取其
地之面陽者構如來大殿列左右為迦藍祖師大
殿之南為天王又其南為山門周以垣墉樹以嘉
木由側門直北則為方丈為僧房為湯浴庖厨之
舍為楹凡六十有奇經始于正統甲子之春以是

萃古堂李氏傳鈔

年秋仲考成爲日凡百八十基臺崇拓禱宇翬宏
丹碧文珉各呈工巧未幾繪圖以進公遂奏請于
朝賜名

慈福命下之日緇流耆艾咸豫悅奔走樂來贊相
若公者真可謂問水之源克酬心願者矣始公披
地按圖意尤未慊將欲更營法藏護國轉輪諸殿
值北鄙多事扈

駕親征已致身王事齋志竟終據今甲子再週閱年
寢久寺漸就荒營州中屯衛官舍景棋居士楊友

三才身示
想其風致憫夫初志之純誠也乃即其所營之緒
繕修粧飭以識不忘且確石以載其顛末徵予為
記予惟忠義之在人心不異時而有先後之殊不
同時而有彼此之異劉公所舉本以上報

鴻恩假蓮界以為之地延今五紀寺幾中絕復得棋友
二君以興予意二君亦非作念天堂力超諸若果
若浮屠說也只以忠義之心激之有不得不然耳
嗚呼事有曠百世而相感者其獨人心乎夫若謂
醜虜跳梁公能奮不顧身卒以保完名節其英風

勁氣凜然與東盤大嶺爭高又其事之可書者也
因為之記

龍泉寺記

盤龍為東畿大山蜿蜒以西又十里為暗峪峯巒
峭刻氣勢連霄為平谷治東之界峪間夾兩涯有
泉如練自東北折每春夏雲英英騰上頃刻覆山
谷其色正白若大海茫無際涯人因目曰龍泉泉
之北崦崖壁立空翠撲人左右諸峯皆相顧拱揖
黃精赤茯苓雜植其間境異山幽雖當烈火流金使

人脩脩有挾纊意元至正僧人順公結庵于處庵以泉名以誌山川之勝元社不屋基址就荒泊明百有餘年日漸榛莽成化己丑營州中屯衛千戶景楨堂叔景鐸因別墅去庵不遠每肩輿而至輒臨流坐石景與心忘既乃歎曰地勝之興將有俟于人乎乃出金市地僭僧可懿協力興復時諸色草創香火僅存迨四門塔僧悟興號太雲者極力苦心偏求檀越得金若干萬緡米若干百石始庀工教匠建如來大殿于中左為迦藍右為祖師又

其東而僧居之所簷鍾抱鼓以樓以亭福浴堂厨
各有次含雄深瑰麗金碧交輝偉然一大叢林直
與盤龍諸刹相高非昔之庵院比也興之徒曰木
寬本源源之徒曰真讓又能承師之志作大士殿于
主山之眉建浮屠于案山之表當四時雲物變幻
而樓塔出沒于煙霏空翠間潭影光天徘徊上下
山川之麗一旦改觀遠近來遊靡不喁喁稱賞寺
成于正德庚子邈其經始幾四十餘年行之者非
一僧成之者非一日可謂大且艱矣據今鐸與群

師俱先後淪歿鐸之子曰祚讓之徒曰常善恐其
功遂泯泯無聞微子為記予惟山川之勝必得其
人而後可鳴當龍泉兵燹之餘蠻光水色頗失故
態栖栖于林簿榛莽間殆與凡流衆埒等耳今緇
流一鼓而幻成寶坊暮鼓晨鍾酬恩駐貴則山川
秀麗與有光輝孰其使之然耶昔五峯非自鳴也
以普庵鳴湘山非自鳴也以無量名也日龍泉為
東盤第一山者又安知其不以悟興鳴耶因為之

記

重修東嶽行祠記

邑人金濂 山東運使

粵我朝正大統之三年詔嶽鎮海瀆封號如古制以山水稱凡近世所褒嘉者一切罷去所以揆前聖大中之道而隆一代更新之制使習俗所尚仰尊崇之盛典也平谷縣舊有東嶽行祠在縣治西幾一里不知創于何時俗傳為遼金有國即有此祠理或然也迨

國朝漸加修葺已備于方伯光君所撰之碑據張丞重建以迄于今垂六十稔閱年既久土本就隳正德

改元歲太原高君來知縣事越明年夏禱雨于中
牲醴既陳俄頃之間甘霖如澍高已駭其為靈一
旦政務之暇諭于衆曰泰山為諸嶽之宗百神之
長仁符震動德體離為顧廟貌弗修豈吾人所以
瞻奉者乎盍共圖之以資冥惠衆曰唯唯即出貲
市木諏日聚工植仆扶傾易堅去腐工勤材善百
廢俱新正殿而外復增以一楹以為軒宇甃砌塗
茨舉以法文金秀碧彩繪爛然不侈于前不浮于
度是後也其費匪直千緡公不知勞私不知困經

怒于是年七月落成于次年三月蓋始終興率者
高尹之勤其合作助成則衆民之力也嗚呼神之
動人有如是哉且高之為縣不立異近名一以誠
心感激如修學校新增壇壝建橋梁三載之間翕然
向緒而此則君之一善耳祠成屬于以記予惟天
下之事是非邪正皆可暫欺惟人心不容厚誣今
高君一以義舉而民即義從以心感心蓋有不期
然而然者矣又况引之以民生日用之彛諷之以
忠君孝親之大而民有不丕應後志者乎書曰罔

迪不適周曰曰平易近民民必歸之此之謂也祠
既新祝釐有日為居民者歆神之福又當思作起
者之功則祠之方興固未艾也高君名賢世為山
西臨縣人其功德主則義官張宣者民巨紳其最
者也因為之記

重修本縣儒學記

台奉熊相 兵備副使

平谷縣之儒學在縣之離位勝代以前為老子宮
今之門尚因之淺狹卑陋加之垣墉棟宇率多傾
廢見者病焉嘉靖壬午監察御史熊公榮以清榮

按縣道

制視學嘆曰有司之不職一至于此何足以稱培養人朝家育才興化之意偶過邑人按察副使王公鐘及之鐘曰鐘為諸生時固嘗賢地拓之矣矧有觀風之責者乎公乃命官度之記費凡若干倡以贖金聞者響應巡撫都御史孟公春巡按御史盧公瓊總兵都督禹公永叅將呂君昌咸有攸助以相之不穀亦與焉既而兩載弗績公自往督之先修聖殿次展賢廡次建戟門次易櫺星次立禮門次闢義路次拓明倫堂

三才圖會
卷之三
三
次實地之偏陷者繚之以周垣表之以櫛楔復以
餘材建號十五間以便講習省課有力成之不日
輪奐奪目士林爭氣于是教官率生徒詣相述知
縣王謙之言曰學雖隸縣而博士弟子軍衛居半
焉彼此坐視忽成淪廢不圖今日有勞諸公敢乞
一言以釋其愧且以詔後人于無窮予曰崇儒重
道

盛興祇奉予有司者已不多見况憲臺乎哉宜諸
君子此有不能自己者夫天下之藝有文有武而

學者曰儒者何耶蓋以文而非儒則為俗吏武而非儒則為傖夫俗吏傖夫可以興治戡亂之事望之乎哉故人無擇于軍民必以儒學為先官無分于彼此必以興學為重

之長治久安比隆三代者未有不本諸此謙輩曾知之悉乎且儒者之道不越乎彛倫日用之間推而極者無所不有若上而為教下而為學亦道之所當然也公之是舉誠無所負矣至於徒擁臯比不能明是道以覺後人徒衣章甫不能體是道以

平谷縣志 卷之六
光國家而徒獲一科第則施施然足矣是果誰之
責哉其愧又有甚于有司者尚相與勉之公字以
仁號磨溪汝寧光山人起家進士嘗以直言謫官
今清我圻內風力尤壇一時而政之可久皆視之
茲學云

重修城池記

邑人王鏜
河南副使

平谷縣治舊無城永樂二年營州中屯衛自塞北
徒之腹內安置平谷縣中城始建焉是時草創土
築未遑以磚石包砌歲久城崩圯便道者越堞通

行若履通衢然成化丁亥太中丞閔公本撫臨茲
邑仰而嘆曰所賴以保障吾民者城焉耳崩圯如
此將何所恃哉爰是命官計財包砌磚石四壁如
削壁各設門以便防守且以漸次置修樓鋪以為
瞭望計方經畫之際而轉官之命下矣功不竟就
迄今六十餘年嘉靖壬午歲郊圻盜發掩其不備
長驅入市剽掠任情居人內外恐怖米安巡撫孟
公春兵備熊公相憂之于是協謀設策勦乎厥盜
地方僅得無恐迺命掌篆指揮李君勳經畧保障

董公修築者補之廢者葺之建樓于諸門之上缺
重簷華棟規制聿新東曰接盤南曰觀瀾西曰迎
恩北曰鎮遠腰鋪隅樓次第結構凡觀之者咸以
為奇峻之功也鎮撫王傑來請予曰董董大事者
未始不勞費也季君承委克殫厥心材物廢諸浮
屠工力用之閑暇帑藏不減軍務不妨人不告勞
功倏就緒其事偉矣敢乞其文以紀顛末予嘉其
績遂書此以應之夫土木之功難成而易敗也廉
靜者遠嫌棘欲者斂怨貪求者上疑昏柔者下慢

遠嫌則為己也。歛怨則失人也。上疑則起咎也。下慢則弛事也。是皆承委者之通弊也。季君承委剡此四弊。掩百年因循之咎。成一時保障之功。其賢能過人遠矣。監司憲臣。後先獎勞。是亦嘉其能為者歟。雖然。城池高深。固足保障矣。借使撫馭乖方。人心怨惡。雖有粟穀兵甲。誰與為守哉。是知守國之道。人和為先。地利次之。故孟子曰。地利不如人和。吳起曰。在德不在險。凡有國家之責者。庸可不。知輕重緩急也哉。季君有功德。善撫馭政事。固無

容喙矣第恐將來繼之者不知設險守國之義予
因丁寧以告云是為記

岳侯遺愛碑記

邑人金濂

嘉靖庚子春清湘蔣公以方伯入為京兆適審編
徭役之期先時各該州縣地畝人丁儘派本州縣
原額之差足穀為止行之既久法玩弊生殷庶之
地反獲其輕窮約之鄉或櫻其重官盲吏瞽莫究
所由公廉得其情乃藉一府四州二十三縣地之
廣狹丁之多寡田之豐瘠與夫歲徵之緩急輕重

通融而均一之務使合併為公民無偏累章上而
司徒議覆以行時撫按重臣俱仰承

飭戒所司協京兆委官竭力秉公求無負

軫念斯民之舉檄至而平谷岳岳候適當選任乃捧
檄加額曰吾志也吾民其尚寧幹止已乎遂據不
便于民者數事乞援當道以蘇民困一查舊管以
豁開除本縣原額地一千七十八頃五十一畝節
因里墮民消拋荒近半宣德年間撥去興營二衛
屯種開除地三百二十九頃三十一畝就彼納糧

冊籍可查本縣見在地七百四十九頃寄養官馬
七百四十九匹

科道照畝審編別無餘空後因巡撫都御史洪添
地銀不辦舊管開除照額仍派銀一千七十八兩
五錢一分以致終歲包贖膏脂匱竭一審權宜以
祛民患永樂年間大監三寶差往西洋偶因舡隻
數多暫于附近地方借倩人夫棧送比時順義平
谷二縣各出夫六十名實一時權宜之計順義先
已除革惟本縣至今歲出銀一百兩號為通州協

濟夫錢事出無名誠為冒濫一遵成憲以息新科
本縣原額漁戶一十三名每年該納課鈔一百一
十七貫遇閏加鈔六貫七百五十文正德年間忽
遇

欽差內官前來 採打銀魚無故勾掣漁戶陡添椿
木葫蘆羊皮等料銀二十餘兩遂為常規一或稽
遲官吏輒加凌轍近年以來又坐武清瀛縣水占
地畝原編楊村遞運所水夫銀一十三兩宛大二
縣車輛銀二十四兩委的地窄民貧不堪賦負若

不預為申請誠恐通融之後控訴無門于是當道
悉侯之賢憐民之瘼覈審至三乃于丕平之間均
攤公抑帖下計派應存力差三十五頃共銀七百
六十兩八錢應存銀差三十七兩共銀七百五兩
二錢二忽五毫應減銀力二差銀共八百六十一
兩一分五厘自後審編永為定式侯之心始慰而
民之怨始消

溥天地生育之恩以立斯民之命其割裁補濟將
順奉行實一二臣工嚮即有僚之績也而吾邑岳

侯亦可驗其心在乎心卒能脫民于積年偏繫之中而並置之玉燭春臺之內即傳所謂民之所好之民之所惡惡之此之謂民之父母是已後之續良吏者當與魯卓先後相高又不但虎北渡河蝗不入境銷患于一時而已也耆老因不敢諉侯之功囑予為記勒之堅石永矢不忘予曰侯之遺愛非止一端而民咸不識不知此待鳴其顯著者耳侯名朝用別號嶧山山東鄒縣人前以薊州節判擢為今職云

重修城隍廟記

邑人金濂

昔先王建邦設都自京師達之郡邑雖遐陬僻壤莫不創城隍廟以闡幽靈故仕是邦者上任必請于斯朔望必禮于斯春秋祭享必告于斯水旱疾疫必禱于斯官秉其忱神應如響自古以來人心宗向罔敢弗欽廟舊在縣治北至明初拓地面陽構正殿三楹以安神主繚以垣墻門以三座擇道祝以司香燭迨成化己丑歲久漸頽鄉耆王真等合衆繕修舊規咸葺嘉靖辛丑元夕張燈忽遭回

祿之變色大夫嶧山岳朝用倉卒失措援救莫能
達旦咨嗟乃名城之父老素稱公正者二三人諭
以助工恢復以安神棲于是營州中屯衛舍人王
沐鄉者周正等共矢發心願襄盛舉除侯捐俸及
設法處分以供先事外各者樂出已貲及四鄉著
姓不募而來施者雲集霧涵得鈔若干萬緡遂易
材于市礮石于山鳩匠聚夫先營大殿三間羨友
外門高廣各增前之三尺上瓦下甍朽鏝四周殿
中塑聖像一龕旁分侍從文璫香木金壁交輝可

仰可瞻改觀疇昔經始于是年三月落成于次年
八月向非侯之政平民信一鼓而蕭然瓦礫幻成
錦坊昌克以臻是哉是亦可以觀政體矣工完沐
等勒石以傳乞予為記予惟天下有不窮之變而
吾心有不易之理誠得其理則變之不窮者皆理
之不易也理之所在不外乎人以不易之理而禦
不窮之變焉則規締宏深咨詢周密孰有出于範
圍之外矣乎廟貌之新固其所也雖然崇墉重隍
所以為民也高堂遠簾所以辨等也一舉而兼盡

為侯之賢又足徵矣謹誌

重修縣後堂記

平谷縣去都城百四十里祖艮山來龍以開疆上
當有虞揖位以冀青地廣始分冀東等處為幽州
即古漁陽上谷之地

明以來定鼎燕京遂進為畿輔上游之地材官甲
士駕土地方

嘗以規式詔于上中大小公居周爰執事靡不畢
備分署以聽各司其所遵行百餘年堂廡弗易而

民志定焉詩云風雨攸除鳥鼠攸去君子攸茅又云于時處處于時廬旅于時言言于時語語此之謂也頃若醜虜跳梁閭閻弗靖爰于朝署之中委一二重臣便宜勦絕雖屢獲奇功而除惡務本猶未盡寧嘉靖乙卯春馮公來尹是邑立心高古值時勢方殷達觀治所嘆曰高城濬隍練兵防守此其時也將孰貽之遂日夜繕修城郭操演民兵三

月之間人心感激又以官居弗盛無以壯我軍威之盛者新憲府以為觀瞻繼理縣司以安群眾縣

中無正堂右為幕廳並南向東西列房科各四楹
前為戒石亭又前為儀門者三門外東為土地祠
及預備倉西為罪人獄又合為大門者三門外列
榜房東西各一間此皆前官已修而尚新者也正
堂之後為後堂後堂之東為書房三間以為齊宿
之所正宅原在東偏宅舍俱新今始移入後堂之
後以為知縣住宅縣倉之後二門之內照前原立
公廨六間為縣丞住宅幕廳西公廨六間為典史
住宅六間吏舍各樹于東

鑾駕有亭縣庫有樓悉安善地縣治之界周築夾墻以便巡更之路大抵皆仍其舊磚瓦木石多需素積分毫不取于民經始于是年八月落成于次年五月美輪美奐規制一新僉以為當誌于右以示將來因囑予言予惟周公之治東郊師保萬民民懷其德武公之治衛源盛德至善民不能忘此天理之常存而人心之不泯也今侯蒞任暮年而竭忠報國公爾忘私則將來之豐功偉績足以繪凌烟而紀太常者不有光于二公之後也哉後之視今

猶今之視昔有必然也若縣僚二尹林公萃縣幕
胡公鳳亦皆贊襄于朝夕于法皆得書侯名思忠
山東高苑縣人孝川其別號云

重修平谷縣學記

上海秦嘉楫巡按御史

考圖籍平谷嘗縣于漢鎮子唐後縣于金元

因之古稱慷慨悲歌之區信矣元至元乃立縣學
然未知其所以教者果能滌蕩其舊習而率也由
國仁讓之風未也自我仁讓之風猶未浹洽而遍
滿也自有明之初臨御天下不數十年間漸磨德

平谷縣志卷之二 考
三三
義鮮不丕變

勝見尚薊王氣氤氲形勢雄偉允哉天府之國遂
相與重臣定鼎而遷都焉故平谷遂為畿服內地
首被

聖化愈近而愈深其士子服從學官之教不猶江河之
就下愈順而愈速耶由是博士弟子奮起而登仕
版者蔚為名卿可槩見矣然廟學歷歲滋久墮圯
日甚良有司敦治崇教者雖間有補葺亦以費繁
務劇為懼率皆苟簡可歎哉嘉靖辛酉夏平谷縣

知縣任子彬卜日舍奠于廟覩其庠陋毀隊惕然
改容曰縣之廟屋壞神不能妥其誰責乃與學官
張汝言諸生方文光數曹謀咸曰茲誠有司首務
也如財不贏何又轉而謀諸鄉士大夫鄉士夫夫
其謀同又轉而謀諸耆庶耆庶之謀亦同于是舉
邑向風慕義視役若不可已者官之吏于斯者茲
捐其祿大夫視之產于斯者捐其貲耆庶之供億
于上者捐其力凡材木陶甃黝堊丹漆之需畢其
工師坊者擾人顧僦之屬咸集訊日舉事或新或

作余適奉有代巡之命以察吏安民為務遂攬

蒞平谷詣學謁廟不俟闕白而知任子之所尚矣

乃移文所治出其帑所贏以助傭費不期月而告

成任子舉其緒而請曰爰即舊址建先師廟兩廡

崇廣皆倍昔外有戟門有櫺星門有啓聖祠有敬

一亭有文昌祠有鄉賢名官祠有校官舍三區殿

後建明倫堂堂左右翼以神厨庫有崇德廣業二

齋戟門前鑿泮池甃三石梁其外橫衢豎二坊東

曰興賢西曰育才又于學宮旁地闢為會講堂左

右設宰牲齋宿二所計凡若干楹所需之費凡若干緡所役之工凡若干人經始于壬戌冬十月落成于癸亥六月敢乞先生大人一言以為記余欲以不能鑄辭為解非任子重學校意亦非余廉察有司職也嗚呼

孔子之功德被于萬世與天地日月等聖自堯舜而不俱莫能望豈區區崇聖宇修俎豆所能報哉顧業儒者不敢忘其本耳余為諸生時嘗見為長吏者一意于錢穀獄訟典幹審畫希聲采譽以求

詞補視學校之事為非簿書期會之所急而抹撒
漫漶者比比每深陋之今任子為平谷而以不任
學校事為懼首興是役完舊益新立有成績鬱然
畿甸之偉觀俾平谷之子弟益興于學化鄒魯于
幽薊更弦誦于悲歌其功豈不偉哉任子業儒而
知本者矣余亦業儒者遂因其請而為記凡與是
役者皆得書名于石

平谷縣修城記

蒲城張四維翰林院編修

古谷古漁陽地為邊防重鎮城郭溝池所以為防

禦計者自昔視內為急然今圻邑也又介在四地
山中烽警視諸邊差少是以守土者易為而備禦
益踈縣舊有城池歲久夷隳攀堞往來不異周道
今尹任君彬既視事思以興葺之顧歲侵財詘未
足役也癸亥冬寇馬奄至城下任君部率市民分
地設方畧以守之晝夜巡警無所不至俾內始免
于厄事平之後任君乃札延邑之名德巨室閭長
黨正諭將有事城池為扞圉永策衆驩然稱便遂
上其事監司監司咸是之撫臺雲中溫公令守軍

採薪燒灰以濟其役按院洛陽董公機贖鍰百金以佐其費其諸當道若總督軍門劉公屯院秦公閔院陳公密雲兵備道張公悉有金穀助焉任君迺自理百餘金為士民倡邑衆開磚窰百二十所以陶于是諏日戒工富効財貧出力吏殫勤工獻巧城以丈計凡周六百五十撤而修之者過半城舊高二丈二尺增築五尺俾益崇又于城四門各樹以樓扁其東曰把盤西曰拱辰南曰迎洵北曰威遠城隅增鋪舍四又濬其隍丈餘沿塹悉植以

柳當四門之衝置便橋焉經始于甲子閏二月廿
日竣于是歲六月之望凡五閱月而工成城峻而
堅池深而濶屹然改觀民有固志矣任君迺述事
始末問記于余余維惟備禦不虞政之善經故城
郭溝池之固雖襲承平之時然猶不可一日無戒
心焉而矧多事耶顧列城十百傾夷者半寇至常
苦無備何哉則用民之難耳蓋患貴于防微而民
難于慮始未覩其害而先勤之則勞且怨雖告之
以必然不信也平谷城池之建在先無所考而唯

見于成化丁亥巡撫閩公之疏請其所述規模建
置在當時稱雄厚矣後五十年年當嘉靖壬午而
始重修之以礪徒之變城以不能支矣迄今又四
十餘年因寇警乃復修而加壯焉蓋民有所創則
其起事也易興大役動太衆不得不因乎民耳任
君蒞平谷幾六年扶敝拯羸煦煦然如慈母之于
子而且為之防患深遠其所以舉羸于力誦獲遂
有成事者唯民之困加以賢監司持持而佐濟之
者弘也昔成化丁亥城之始建也寔惟巡撫閩公

嘉靖壬午則巡撫孟公重修之今茲之舉又唯溫
公是賴此三公者城民翰國先事謹備其雄畧者
在疆圉者前後較若畫一也而茲其一節云

題名記序

閩中劉愛 平谷縣尹

國家海宇清熙文武昭宣凡登仕籍者罔不以靖
共勉厥位而所寓咸題名以識歲庚午不穀以三
河倅叨長是邑視篆之日登城埤覽山川眺閔塞
見山巒萃嶽環然四塞地狹而平一望徹畢方不
百里口僅千餘視諸隣封才一里之氓耳余獨怪

昔稱富庶而今若此不知昔人何以施為將欲自
考即詢其故於紳士僉曰昔也地一千二百頃撥
給軍屯者五百頃矣昔也戶九千五百五十口歷
經凶荒饑饉死亡過半矣里甲照地而應差錢糧
照地而增派浮費冗役與諸郡同加而莫之恤額
設議處與諸郡同視而莫之減矧自總督開府于
密雲易偏僻為衝要變里甲為驛遞三孱之民蕭
條之邑有加而無已如之何而不窮且困也哉不
穀履任且年餘矣固不敢以窮且困自諉而景仰

前賢每思砥礪期以漸磨而啣之其他城隍之修
學宮之葺鄉賢名宦之崇祀道路水患之辟除戶
口差役之均平厥既得奉檄而次第舉行之矣獨
縣之題名久無俾前之政無以垂昭勸後之人罔
知所法戒誠為缺典因伐石盤陰構匠而鐫之已
徃漫無所稽爰

之建置以迄今日若尹若丞若幕皆得而書之間
有失其籍址忘其資格者闕如也嗚呼今之視昔
猶後之視今也是刻也政事之美惡人品之高下

心術之邪正與夫民之好惡因而可考矣邑之人
日觀歲覽按今憶昔於茲而較量指數之不將為
一方春秋乎凡我官僚登於斯者皆當猛者賢者
師師否者恐恐秉心如石之堅立身如石之直勿
負

國家之作養母恭前修之型範以保惠慈祥為念以清
白循良自期母以禍小為不足治母以窮衝而怠
其心殫厥忠智凡力之所能為心之所當盡者自
勉焉庶於石丈人無媿矣故序之以為後之君子告

平谷縣新建社倉社學記 宣城湯賓尹 編修

史湯子曰自余通籍于今未一年所所概於時事未嘗不盱衡也天下數儉於歲里無蓋藏鬻第之家不飽蒲茅枕相藉于道烽遞告驚所在騷然倭刑明不可知環海之民有莫必其命者矣頃人蓋以乾清坤寧之灾公私累代之積一夕若埽內外徬徨苦作相尋民興心矣素不習于誦而生是急彼有鏈而走險安可誰何蓋天下之平久矣物極則變理勢使然平谷外極邊僻內隸郊圻最為巖

邑其謠俗沉鷲椎鈍猶有幽薊之風今尚何可謂
無恒產有恒心而凡民之興不待教也倉儲學校
之設何邑蔑有撤儲困以鋪羸則吾能何以居夫
羸外之用乎哉則此虛中之計也博士弟子員之
所上猶畫髮耳以幼所不調之子徒竊文墨侈衣
冠藏盜魁其中即加饑饉生死橫迫怙其氣習而
為嘯以逞維今之日又易搖也肉食者能無墨焉
以余所葺於吳君可謂急時者矣君為平谷則首
捐緡置社會即又置社學而各為脩以蘄不廢者

五其為倉也樹穀平佑以時出內以修水旱不時
之灾使邑無滯積亦無困人而其為學也群邑之
子弟童而誨之使之習于揖遜進止預以脩其疆
氣而折其邪萌行之數十年民庶絕無衣食饑寒
之剝而禮義是常即有暴子弟勁勇囂杰之氣可
勉而為縣官用也又況乎忠義之性植乎其天者
哉吳君之政務在為民識時務茲其概也夫使吏
于今者而皆有意乎民何憂天下哉百姓亻亻誰
父母之一旦有急未可恃也已余為書吳君治行

并職時事君名之美常之武進人

編修宣城湯賓尹撰

重修平谷縣城池記
中州朱克閱 邑令

粵自黃帝始營國邑後之保障斯民者因之作邑
王中伾來猷焉築城伊洺大雅詠焉城向浚洙春
秋特書焉命有司坏城郭戒門閭脩鍵閉固封疆
月令有紀焉故龍見而戒日火見而致用水昏正
而裁日至而畢莫不因天之時乘地之利用人之
力以為禦暴保民之所惟茲平邑星分箕尾郡號
盤陰北列瑞屏南繞洵水為

神京三輔要地誠天漢之津梁幽燕之閔陞也我

皇上巡幸盤山省方問俗蠲租免蠲賞賚耆民咸被
鴻恩於罔極而漁陽重鎮殘缺頽敝其何以壯觀瞻而
衛民社乎夫邑治肇於永樂修於成化完於嘉靖
文正公商輅邑御史王鏜曾為之記至我

國朝屹然如故百年以來漸近傾圮邑令鄧君來祚
詳請重脩未幾却事大憲命北路廳李公化楠
為之經始我憲臺張公在相繼董率竭力殫心
功難悉述至謝公洪恩聿觀厥成而工告竣總為
計之卜吉於丁亥鳩工於庚寅報最於辛卯約責

帑金四萬四千二百有奇而成若金湯池若天塹四
門望樓如跂如矢煥然維新也洵可鞏固於億萬
斯年矣余世家嵩伊丙戌榜前蒙

恩揀發江蘓署清軍總捕篆務改撥厂隸歷署灤州隆
平於壬辰夏題署茲邑下東聿始見夫高壘巍
峩與妙峯同其萃律陂池淵浩與靈泉共其湛深
僉以為設險守國可為斯民保障也豈知其士敦
詩書農安耕鑿民性之醇樸民風之敦龐無形之
險隱寓於有形中哉爰於課士勸農之暇稽其始

末珥筆而為之記銘曰

卓爾平邑 地近畿輔 截薛岑隆 去天尺五

山擬嵩少 水似洛浦 境接塞北 城高中土

皇仁浩蕩 德洋恩普

萬壽無疆 水奠千古

重建魁星樓序贊

中州朱克閱 邑令

斗魁戴筐六星曰文昌宮一上將二次將三貴相
四司命五司中六司祿周禮以禋燎祀之我平邑
建其祠於學宮由來遠矣至於斗魁光連四輔輝
映三台燦宇宙之英華開古今文文治與文昌相
等埒世多繪其像以崇祀焉明永樂初建樓于城
東南隅故自丙辰越己未甲科一十六人自戊子
迄己卯乙榜五十六人武魁五人鄉會聯芳名臣
輩出二百年間史書不絕也啓禎而後樓臺傾圮

三才身尺
桂籙莫紀已百有餘年矣天運數週人文未啓將
地之不靈與人之未傑與押魁樓之未建士志不
思奮興我

盛朝菁莪造士棧樸興賢薪樞芄芄著天章於雲漢
吉士藹藹蔚人文為國華而盤陰一區獨無人焉
榮膺鶚薦不負

皇上壽考作人之至意宰是邑者能無愧乎前令來祚
鄧公綠城垣之初建議魁樓之肇修興儒學王君
爾烈字瑤峰副學賈君蒲會集諸生暨閭邑紳士

王子樹勳周子開卯徐子植王子雲鶴等重門是
樓以興文教諸子樂出已資更相勸募或分其任
或總其成典史曾君延齡日為董率時加勸勉辛
卯之歲瑤峰名題雁塔

欽點詞林而功適告竣見行高閣凌空岑樓橫翠筆掃
雲霧千百年之文運重開斗量珠璣億萬載之光
華復旦矣余以壬申鄉貴接任漁陽製燈上元與
教諭賈君鳳吟訓導田翁之錫暨武弁陳君廷良
集同學弟子員張兆鳳徐伯常賈名仲王家容等

平江府志 卷之三
於樓下講理學源流論經史精蘊及鄉會文體應
科律詩諸生咸爭自奮勵日勤課誦思繩祖武而
繼前修數年之內必有偉人策名

天府備員 闕廷前日之盛不將見於今茲哉余深
嘉之爰勒石而為之叙贊曰

魁樓數仞 峻極於天 杓攜龍角 榜登虎前

衡臨紫極 斗掛城邊 瑞氣朝映 神光夕懸

闕茲石室 澄我靈泉 洵躍金鯉 屏生玉蟾

文星丕照 甲乙科聯 勗爾多士 有光必先

重修平谷縣倉廩記

中州朱克閱

邑令

古者耕三餘一耕九餘三以三十年之通制國用
量入為出所以有備而無患自漢耿壽昌奏設常
平倉唐戴胄繼長孫平立義倉朱子在建寧崇安
則有社倉我

盛朝嘉惠元元兼備焉此平邑倉廩所由建也倉在
官署東壁康熙三十年邑令余學昌建修常平倉
增字北廩七間興字西廩五間盛字東廩七間其
滿字南廩三間半邑令項景倩於雍正十二年建

修至乾隆十三年邑令栗培初添建滿宇東廡三
間裕字廡十二間迄今數十餘載風雨薄蝕棟宇
傾圮所貯之穀難免霉蕪之虞余三十七年來宰
是邑見其墻垣頽敗木料蝕朽諸廡滲漏盛字廡
七間俱已坍塌四十一年春詳請動項修補六月
鳩工九月告竣共領用銀九百六十八兩有奇由
是增興盛滿諸廡咸宏廡壯麗貯穀萬石以陳易
新自永格而無匱矣且夫積貯者生民之大命也
貴則減價以糶賤則增價以糶寔心行之民享其

利而常平於以常豐或借籽種或借口糧加息免
息擇里社殷寔醇謹者董其事民沾實惠而義倉
社倉悉得人而無弊為宰者清白乃心平準斗斛
復嚴禁胥吏不得侵漁以仰副我

皇上體卹民隱之至意疇謂有治法無治人哉是為記

元

元寶觀活死栢之記

玉溪老人趙鑄大夫

竊以理之在天下未有不以耳目所接為有而所
不接為無此事之必然勢之必至也昔東漢任處
士叱未朽黃水邊已枯之楊而李唐呂仙人藥僅
落萌城南又斃之樹雖閱其語未見其人而信之
心未篤歲次丁亥 長春真人上遣使勅駐馭於
長春宮燕京東諸帥北面執弟子札請醮于田盤

山之棲雲觀雖旦夕稽首竟不賜諾託余以詩起
之隊伏過平谷飯於城東獨樂村玄寶觀中有一
栢枯瘁歲久了無生態 師起而摩之輒嘆可惜
者自明年春其柯葉復生鬱茂如故見者竒之余
方客東臯與是村相望一舍耳熟其事以傳文日
久一日以事去京假道于路託宿于州之通玄觀
解衣盤礴日云暮矣方欲就枕有道人李志平者
執松明携短幅啓戶而入以幅授余發而讀之迺
南塘老人譽長春子活死栢之詩疇昔所疑如

霜釋然消去真所謂非異人不能成異事非異士不能表異亦李從容謂余曰欲碑其事以永其傳渠為我文之余于二老俱有半面雅其義者不可辭者索筆以書其事

增修府君廟記

邑人李梅 庠生

府君廟在平谷縣東北七里許肇建於隋唐間厯千餘年靈異孔赫遠邇居民兵革疾疫水旱災祥祈無不應廟制舊有正殿三楹東西列二祠嘉靖二十六年住持毛太澤以規制淺狹殿宇卑陋未

足以稱府君功德之隆將廓而大之迺謀諸者欲以正殿改為寢宮而寢宮前復立正殿衆是其議迺共竭誠募緣得錢若干緡米若干石僦匠傭工累石築土為高臺幾二丈遂建正殿三楹於上復立馬殿於廟門之側又見寢宮洎東西二祠頗有圯壞亦加修葺視其堅全者仍之朽缺者易之然其費甚廣為力甚衆也故經始於嘉靖二十六年之秋落成於嘉靖三十五年之春力以漸集工以次舉幾十餘年始由是廟之規制中崇外敞迴

復幽深金碧輝煌度越舊趾萬萬矣績既成鄉人
建碑乞於言以識其歲月余以鬼神在天地間茫
昧不可測識所謂天道遠人道邇而將興之國有
不專聽於神崇信而稱述之若惑矣然以理論之
則名山大川之靈與夫忠臣烈士死而不朽者其
精氣英爽陟降宇內常耿耿不磨皆足以羽翼元
化宣布天威徃徃蹟應顯著是又不可以左道淫
祠炫惑民俗者概棄之也今府君之神其詳雖不
可考然據其封爵號稱卓然不朽皆錫于前朝歷

代則其勲庸之著於伊始者諒必有功於社稷有
德於生民而不可誣且其降祥於今日又能禦人
災捍大患福善禍淫報應無爽為一方所恃賴徵
諸祭法用崇祀典理固宜矣然非人心之誠敬不
足以感神之威靈非神蹟之赫奕不足以致人之
崇奉自太澤等聿新廟貌則其昭事之誠真足以
慰神心於罔悃而府君之威靈顯示一方者將有
致愛則益存致愍則益著矣由是以保定國祚福
佑生靈綏吾民於康壽之域以陰助乎國家四海

清寧之化端有望於府君焉而亦孰非修廟格神
之功也然則是舉也所謂明無人非幽無鬼責豈
徒曰役志於茫昧以幸福免禍者比哉是用備書
於石仍刻詩一章以傳示罔極

詩曰

大神有赫靈輝煌奉天威令奠厥疆神宮巍然逼
元蒼彤楹丈戶紫檀房府君之來天中央袞水龍
表雲錦裳村翁歲時修典常享祀靡忒神洋洋鯁
戮死魑魅藏保茲鄉井若雨暘天清地寧民樂康

誰其尸之神降祥嗟爾黎庶德是強善使錫慶慝
被殃我作是詩非湫茫金石永刻繹莫忘

馬節母傳

顧氏家三韓文武世族簪纓累代不絕其後屢罹兵難遂至中落止餘伯仲二人國初隨

世祖章皇帝入關居京師長天祚舉孝廉判南

雄府次天寵嫻戎事多力善射英勇絕倫累功為防禦守恩封武畧將軍生女幼失恃撫於繼

母王女性幽閒動遵古訓事王以孝聞其待僕婢則一以仁厚溫良為本年十六歸平谷馬氏明丙子孝廉化宇先生子文學駸雯母孀婦事之克孝

居恒相夫子治家御下待親戚族屬曾未聞有愆
儀鄉黨族閭共稱賢越三載災疾卒婦年十九生
子甫三歲即令邑庠廩學生一驢他無倚凡震衣
衾棺槨含殮皆婦自理累日不食哭而痛絕者數
次姑察其意知婦必以身殉也告姻婭輩曰吾一兒
一婦一孫他無倚吾兒死賴有婦婦孝不啻兒
婦存謂即吾兒存可也今兒死婦痛又將死婦死
吾孫其胡賴以生不如吾先旦暮死吾烏忍覩此
哉婦聞之愈慘痛不勝尋止痛不哭起視事強食

姑前且再拜於夫子柩曰姑孀而髦子孤復幼兩者皆未亡人分內事也倘妾盡一身之事其如孀姑幼子何遂立志誓守貞節治喪營葬窀穸如禮嗣是惟孝事孀姑備承色笑姑竟不知有喪子苦教一驥讀書慈嚴並至雖艱難困頓不廢己未地大震平谷無完屋姑髦年當流離瑣尾開婦能令不失所且衣服飲食其所以溫飽平姑者殆愈於平日又期年姑沒婦哀悼崩摧凡衣食棺槨含殮仍婦自辨治喪營葬窀穸又悉如禮鄉黨族間以為難

先是馬氏代積有產至是婦姑没子幼雖至戚者亦見侵謀初固未之覺也厥後侵謀盡露婦正色曰使孤寡可欺行且無天理矣

侵謀者聞之皆感悔念不復萌為子娶王氏甚賢且孝又克勤克儉敦厚寡言佐夫子奮志學業其姻黨之狡者咸目之為愚婦曰此正見女子之德耳歲丙寅一驥入泮獲報且喜且哭及子公服拜堂前乃哭益甚一驥孝不自安長跪請命曰吾非為汝夫婦不善事我也汝父没吾以汝祖母與

汝故朱即殉今汝祖母逝其往矣吾烏乎不哭汝
幸厠豐宮汝祖母不獲見汝父不獲見獨吾見
吾烏乎不哭汝成立汝婦復能考吾吾不及孝事
汝祖母吾烏乎不哭且吾向哭汝祖母恐吾痛且死
今汝祖母杳乎不知何往吾思之吾又何能已於哭
然後人知節婦於夫子既歿時遽止痛不哭者孝
之至也義之至也其後子能成立媳復孝事往歲
更常情當必欣慰願追感而哭者益見孝之至
義之至也予既得其詳於紳衿父老復於課士之

三才圖會
卷之六
口二
暇知一驥宿學多才能詩能文試輒冠軍為遠
近知名士下惟苦志足不窺國士午闈幾售子
每愛其莊重篤實而不知其家學有自且更
有誓栢丸熊之賢母焉予不勝肅恭起敬故樂
取其事而為之傳

賈采公曰古稱嬰臼事天下羣羨死易生難一
語謂非心如金石精誠冠日月者不能余傳焉母
顧節婦而不能不欽其為人焉夫以馬生馭
更早是孀母老髦遺孤幼雅外無期功強近

之親內無伯叔兄弟之藉以一閨中人歷諸艱
辛而送死養生無憾豈非烈丈夫所不及哉教
子讀書克自成立杜侵謀以保馬氏代積業
微特馬室貞媳直孝子矣而要其所以終始
不渝克底於全者則在止痛不哭之際卒能奉
孀姑而婦以代子撫遺孤而母以兼師也然
幸有孝子一驢厥後請命一事得盡發其母
觸感輒哭之義不然忍痛數十年將流俗人
幾無以盡白歲癸未

聖天子下昇平詔求天下忠孝節義之事因上節婦
事實於採風使得奉

俞允褒揚

勅建貞坊旌表天之報施節孝亦洵不爽與

蒲坂賈龍文撰

王札字又季賦質穎異胆畧過人為諸生
時喜談經濟尤愛習技勇由選拔歷任襄
陽令適值滇氛充斥羽檄交馳王師搶攘接
應裕如吏績既著詮陟隨頒刺秦省渭州

又值王輔之變慷慨激烈單騎往諭利害詳
明輔臣首肯而賊黨已露以加矣忠憤之
志見於吟咏其至秦詩曰滿懷忠憤到秦州緩
步無人境內遊未到中軍陳教化先觀兕犇列
戈矛辭嚴正諭君恩重色赧難禁反側羞寧
使一身甘鼎鑊不教萬里繫宸憂其臨難詩曰
丈夫有淚不輕彈說到文山心亦酸慷慨一時忠
未易從容三載果猶難披肝瀝膽精呈碧引
頸戮身血示丹雖愧吾生今日晚同留正氣在

南安事聞

上嗟悼遣官諭祭贈按察司副使蔭一子洽璜入

監授廣東雷州府遂溪縣知縣

王節婦倪氏傳

宋文憲公曰婦以節著非常也變也變而不失其正
不亦善之善乎文曰婦以節著因變也非常也婦以
節者而上無依下無望矢志完貞至老不墮其
亦變之變而又善之善之尤者也平谷王節婦
姓倪氏世居平谷為民族業詩書科貢舉

進士不絕官自州縣以及通政尚書皆有父名爾訓
明經生氏年十五適明庚午孝廉王鼎乃鼎子王季三
年季病没子女未育矢志以死殉閉戶自經者三皆
救免不獲遂親戚姻婭交相勸諭以他商恐幼
弱無能久持中道改操不如無守也氏悉知親
戚姻婭意其以白曰靡不有初鮮克有終吾豈敢
謂勸者之無意哉於是泣血引刀自刺以明其志親
戚姻婭亦悉知堅不可奪亦不傷勸越異時剪髮
垢面衣百結之衣食糲食餐不出壺足不窺戶唯

三才圖會
卷之六
四七
一意事繼姑恩勤無異所生有痛則哭哭無不痛今
行年六十矣苦節四十餘年之久蓋怡然如一日焉
邑尹曰士君子讀書稽古尚考千百代莫不願
效聖賢領其緒論似人人孝子人人忠臣也者及一
旦利害卒陳而頓夫其生平者比比節義蓋若斯
之難也節婦倪氏何所圖利哉不過曰吾完吾節
而已矣真變之變而善之善之尤者也移風俗美
教化有司之職故於倪氏貞節之概樂取而為之
傳

哭從妹詩

從妹字葵真秉性幽閒負質聰慧解詩書妙裁剪
善言詞嫺禮讓誠閨閣中英賢也其處室不惟族
黨罕窺其面即婦女之輩非端正人亦不輕接先
慈每語人曰此女志不小靜淑穎悟又其末也每
相見輒歡甚刺繡之餘徃徃扣舌之節烈名媛先
喜為之道以是先從祖母及從叔從母母咸珍
異之而慎於擇偶遲之久歸薊門閨子閨子少孤
從妹事孀姑最謹伴夫子誦讀午夜不輟急望

其成名也先是閨子愛其所生女未週歲而殤閨
予傷之由是感疾日甚從妹禱神求救願以身代
嗣是疾益甚衣不解帶奉侍百五六十日竭簪鉞
以佐參苓繼乃知其不起密語吾從叔母曰婿疾
漸矣幸父母勿以不孝女孤苦為念所不忍甘心
者身為女子未能報劬勞耳從叔母未之解也及
四月中忽駕車至平從叔方憂懼見從妹至驚愕
失常責以擅離閨子之疾對曰吾思家切一者
父母伯叔請母曰婿疾何似曰疾漸矣自即刻

馳歸耳吾從叔未之解也越數日關子歿從叔往
臨其喪哭畢入慰妹多端始猶哀繼則拭淚為
笑曰父忘女遠膝時教以讀書耶三才者天地
人女難不孝身為人婦然人也幸勿重繫念從
叔方私慰無他計終未解也趨出與關子胞兄
語茶未畢忽報從妹死矣舉家內外小大悉入
從叔亦以入視之躄立於衣厨前綢帕兜項雙足
離地竟溘以逝矣嗚呼何志之豎而行之密也既
不留遺憾於夫家復不設疑意於父母從容就義

視死如歸借歸寧以終孺慕祈神求代侍疾佐
殮終之以身殉且不肯令一人知其閨閣中英賢不
愧吾叔祖之忠有合吾祖母之節者哉既傷且敬
無以為懷謹隨從叔及族閭設奠序次其始末並
作篇什以哭之曰嗟薄命分遭憂患閉閨房分
影形單一十九歲分舞雙鸞別父母分路漫漫事
孀姑分婦道完望閨子分大鵬搏勉志業分多
端午夜篝燈分氣體寒雞鳴復櫛沐而晨炊分
敢逸安皇天不吊分降難得夫子分病殘痛將

危兮肺肝祝神明兮夜闌願身代兮求寬常流涕
兮皆不乾終不起兮病攢魂飄飄兮不可干仰天
慟兮行路心酸指日長號兮生命已拚舍歿兮親
看夫子兮蓋棺顯望兮峰巒阿爺至兮接勸恐
傷心兮強顏述三才兮咏闕闕見此志之不移兮
不知其死事之心堅嗚呼志節為重兮名義可全
彼苟活兮生枉然正氣兮寒地天姓名兮凌雲烟垂
懿範兮永傳列青史兮萬年

滑子莊三皇藥祖廟記邑人王澄 庠生

平邑震區有盤谷山山峰巒聳翠翠巍然畿左
之大觀也盤迤北距一倉地林木幽藏丘阿路
轉為滑子村也村之外有桃源問津之勝有環
水紋波之致有曲折蜿蜒孤峯突峙之竒望則
峭壁孑出氣勢凌霄若無竚足地陟則巔
平坦易曠達磅礴實有可立之基一日者村有
善士庠生倪予秀起輦登步其上盤桓久之相
顧而言曰吾儕居此勝地曷不有建於斯以崇
一祀乎衆曰唯唯起漫議曰使吾儕功成不可為

幻相淫祠者祀必正其祀於有功濟衆澤民利物之
先聖也而後可衆曰唯唯既而思澤民如三皇也
濟衆如堯祖也利物如苗神諸聖也自不同也
幻相淫祠比比之不足祀也明矣於是再稽祀典曰
功施於民則祀之救災恤患則祀之勲勞社稷
則祀之愈知三皇堯祖苗神諸聖之宜祀也
倪子遂奮臂一倡應如桐魚之擊石鼓衆
善協從遐邇翕助庀工敦匠扛材運石雖
家人婦子各殫其誠建中之殿為三以三皇

藥祖苗神諸聖祀左為僧舍三間右為倉儲
二間繚以垣墻蔽以山門草創落成龍石問記
予也期期媿無以辭謹以此為樂善誌

楸巷記

平川書院樓門之南禮門之南列種十有四株其二株
不茂旋移恭敬門內不成行者更之各長丈餘圍三
寸許楸梓屬也梓有實可種其成也易楸無實取
之穴其根旁引以稽生其成也難是木也才高而理
直質堅而韻清亦可謂美材矣當盛夏之際踈柯
密葉如幃如蓋烈日不入炎蒸不作宛然一清境也書
院主人時時衣冠坐其中橫琴而鼓焉弟子之解書
律者亦屬而和之七弦之音洋洋乎盈耳哉盃脉鼓

三才圖會卷之七
五十三
盪神氣清和恍然虞舜之在帝位也一日鼓声希
主人顧謂弟子曰琴之奇抑有所助乎弟子曰不
知也主人曰楸巷助之也人徒知巷之清而不知巷之
有助乎琴音斯巷也上密下實而中空焉故琴之
音洶洶焉風風焉清濁高下而各中其節不壅
在重樓虛室之中茲非其所助矣乎弟子曰小子何
足以知之言畢主人充然有得仰天而歌曰風飄飄
兮雲恐惚我心樂兮造物同遊幸 皇上御世兮復何
求

詩類

夫文以載道而詩則言之成文發于咏歌者也達
人君子至止斯地者恒有著作或因事示戒存之
足以彰微或懷古屬律考之足以資博亦志之所
必載者故志詩

復生栢

張天度 號南塘老人

山村老宿鬚眉白根撥和雲移小栢慇懃擁護數
十年直幹亭亭高百尺歲寒曾不變真心庭雪到

腰繞自適明堂大厦構良材正恐工師來選擇柰
何亂世生不辰飢有饑民斧斤厄半身寂寞被戕
殘顏色枝條頓狼籍謁來枯稿逮三年不忍風摧
并日炙鬼薪蚊炷世所珍憂見斬代無旦夕長春
仙子偶經過兩手摩挲言可惜明年太歲在元枵
秀葉參差如舊碧異事未免衆人疑不信道人能
起甯君不見田家荆樹中道枯孝友一感復還甦
又不見菜公折竹表忠義插地乃活元非誣况乎
得道不可測招乎元氣薰朽株坐令此栢成鬱茂

遭遇還勝愚夫愚長春今已歸蓬壺爾善保千

金軀

平谷道中

山陰蕭鳴鳳巡閱御史

百折崇崗轉未休征輶終日遠溪流黃梨紅棗垂
垂熟別是山城一段秋

詠八景

閔中劉愛

平谷縣尹

盤陰積雪

半山殘雪永難消三月桃花尚未嬌每到清宵閑
眺望月明玉壘倚雲霄

洵水晚渡

洵水清連魚泳時牛羊向夕更歸遲溪頭爭渡誰
家子深淺從來要自知

峨嵋聳翠

巉巖秀麗翠如翠高入雲間碧玉浮遊客騷人時
賞玩只疑瑟瑟在山頭

石室清風

鑿開混沌紫雲瑛兩腋涼生爽氣清流火不煩紈
扇動瑤臺月殿敢相拜

獨樂晴波

獨樂嘉名自古傳
况逢紅日正中天
澄波渺渺清
還靜網罟不驚鷗鷺眠

鼓頂朝雲

石竇誰知有蟄龍
朝來噓氣映山容
遐陬每有雲霓望
不比巫山十二峯

靈泉漱玉

野寺雲根驟起瀾
龍宮噴出碧琅玕
清涼遠得天潢派
唇齒忽生六月寒

卷之六
三
五
六
峯臺夕照

高臺突兀倚晴空
遠近霞連草舍紅
返照平林鋪錦繡
行人常在畫圖中

題八景一律

盤陰冰雪四時堅
洵水迴舟擁暮煙
石室風清分皓月
峩嵒山翠插青天
晴波獨樂金銀炫
鼓嶺同雲雨露鮮
更羨峯臺宜返照
靈泉漱玉滿前川

自平谷移署青篆

自慚糜祿今畿東夕惕朝乾凜至公

聖澤如天淪骨髓臣心無地報忻懜一官已見髭此鬚
白雙印還驚汗頰紅馬上幾番回首處依依皓

叟與黃童

盤陰積雪

皎潔盤陰雪春深尚未消
三冬積曙反六出結花牢
白日光難到紅塵勢已遙
窮年茅宇下相對步清霄

洵水晚渡

洵水傍京國頻經晚渡來
日伍崩岸迥沙動片帆
開歸鳥飛還止征人徃復迴
况當村落近我馬未虺階

峨嵋聳翠

是山多翠色此嶺獨超羣
碧草留春雨春松冠夏雲
難容張敞畫應許漢宮聞
傳道峨嵋月清光早共分

石室清風

一龕鑿太古日挹萬山風獨立囂塵外誰留秘宇中
樵音來杳靄天籟動高空羨殺歸栖鳥冷然御不窮

獨樂晴波

山城傳獨樂晴絕墅航稀一水陶然瀉群鷗知所歸
高涵雲彭淨遠映曙烟微共泛晴波上長吟送落輝
鼓頂朝雲

翠嶺形如鼓朝雲頂上封光生旭日影勢變寒山
容高隱冲霄鶴依依偃蓋松不勞楚子夢久矣薄巫峰

靈泉漱玉

靈泉噴碎玉一曲傍山家處々供遊客年々送
落花清音雲外和哀響澗中譁到海濱時日安流且莫誇
峯臺夕照

落日峯臺上登臨暮景收牛羊歸遠陌烟靄滿空洲
岫隱餘光在林深亂彩留暮瞻東嶺月一嘯萬山秋
盤陰積雪

誰卸玉龍甲盤陰疑結牢光生八石暎色照五峰高
積冷林猿避深寒穴虎逃會當舒望眼皆瀕絕塵囂

三才集卷之三
三
洵水晚渡

洵水流今古扁舟晚渡開
烏冲烟靄滅人帶夕陽來
車馬通幽薊樵耕跨草萊
片帆新月水蘓、隔征埃

峨嵋聳翠

共道三峨峻此峰直與群勢懸
千里月高八九霄雲雨
洗嵐光潔霞明黛色分
蠶叢標勝迹垂老恨空聞

石室清風

清風生石室天籟响鴻濛
草嫩搖新綠桃飛掃落紅
眼雪穿窈窕延月入虛空
我欲盈襟袖陶然憇此中

獨樂晴波

天光水色合風動練花飛窟靜蛟龍睡機忘鷗鷺肥
翠灣浮荇葉香渚却蓮衣獨樂晴波晚漁舟載月歸
鼓頂朝雲

鼓頂憑誰闢朝雲幾段濃雷門空作想巫女若為容
有色迷殘夢無聲伴早鐘欲將桐木擊催去直從龍
靈泉漱玉

泉靈通萬派玉漱潤于家勢亞瞿塘瀉高翻雪浪花
灌私遺厚利浸草注深窪終作朝宗想蓬瀛路未賒

三才身示
卷一
六
峯臺夕照

峯臺凝暮靄烟馬向林投夕照留荒野歸雲帶戍樓
蟾孤燕塞遠霞散太空收古寺鐘聲急乘風隴隴頭

盤谷寺即青溝

仁皇雕輦駐青溝老衲袈裟叩冕旒澗艸生
歡迎豹尾巖花含笑簇龍旂只今木石猶
矜寵在昔松雲更邁傳歲月無多成往
事一聲清磬出山樓

春日馬家莊見始祖漢大將軍墓有感

水遠山圍列古墳秦時名郡漢時村難同絳帳聯
宗譜敢向雲臺系遠孫學士笙歌標汗簡故候
弓劍沒荒原先始祖成漢封金椒候烟花過眼催頭白
懶對青青墓草痕

盤山吟

梁永建德傳

畿東屏蔽天下奇郡龍磅礴紛逶迤太行 碣
石相繆緝幽并連跨雄 五丁開鑿何年谷神
鏤兔輸驚剖劇中膚外骨萬蓮鏑逢虫攢辨
龍衣青纍纍 歲蕤歷盡飛花片轟秀苞靈午

百變祥烟兔彩曜陽輝俯瞰滄溟繞一線鷗鵬
投翅雲飄揚陣馬騰驤峰隱現盤旋磽确
歆徑行躋身層壘開生七十名庵半劫灰
我東躡屩蒙蒿菜松杉蒼鬱譚禪石
枳棘荒涼舞劍臺銀河瀉頂觸星斗靈湫
駭魄驅風雷蟾蜍夜半入丹井琳宮深鎖封
莓苔珠林瑤草蟠清閼巖罅金鐘流梵唄
方廣精藍說洞天煉真學道多茫昧神仙
宵寘難誥窮大抵達人具游戲苟能羽化

得神通誰不黃金輕脫屣

哭薊門亡女

邑人王漁璜 尺五

女死人倫自不慙肝心裂碎我何堪肯將節
義還天地願女來生化作男

輓耿烈女

弱女盈：甫十三捐生慷慨勝奇男古今苟活
知多少對此難消五內慙

先農壇記

草野之本務莫重於農國家之祀典莫先於

農所以寄生民之命裕天府之儲也

皇上特發帑藏創建壇壝其意有在也夫故

志之

先農壇

雍正六年九月署順天府薊州平谷縣
項景倩奉 旨督建

皇莊

皇庄之設自明至清由來舊矣

本朝定鼎從龍之衆率多閩左世族其
間隨京師應運生者不乏能奇才異
可以遴用王庭迨我

聖祖仁皇帝雅化作人鑄除格例故親王以下
屯長凡諫籍天家者子弟俱准考試
而一時遞進之彥功名卓々可徵益得
之養育者深矣尤可羨者完公樂輸
之士不惜名器褒嘉榮及先後洵不
世之隆遇哉志皇莊

徐長保

馬家莊

陳昱

張家莊

鄉長

國家八旗星列畿輔戶口日繁歲辛亥
恭值今

皇上龍飛九五宵旰勵精勤勞鴻業念滿
漢雖屬一體而整飭實有分途

特允廷臣之請專差

大部之員按旗分理庶務或值

廩僻壤鞭長不及之域就三韓華閩
子弟中選其醇謹諳達者充為鄉

長屯日本官躬請

俞允給以扁額匪唯示寵異亦以勵清修也
且俾其碩名思義型範一方尚美行
戒汚俗行之既久而協和時雍之盛
不求至而自至矣其資益於州縣也豈

淺鮮哉志鄉長

屯日附

在城鄉長

李懷驛

扁曰敬慎其事

東路鄉長

陳錫爵

即奉旨旌表節婦羅氏之孫扁曰品堪型世

西路鄉長

史大正 扁曰厚德可風

南路鄉長

劉輔漢 扁曰鄉國儀型

北路鄉長

周伯醇 扁曰助勦倚賴

屯目

徐選

鄉耆

康 順

日勤屯人

王之奇

獨樂社人

楊文舉

崔逢吉

鹿角社人

賀自魁

太務屯
二甲人

宋明輔

坊廓社六甲

劉兆祥

坊廓社

郭 隆

坊廓社十
甲人

